

bederseiths erkiesender Schied: Richterem zu setzen sich erbotten / jene hingegen ihr Vorhaben auff andere Weiß ins Werck zu richten sich entschlossen / und vermittelst eines scharpffen Mandati denen Turgoueren gebotten haben / daß sie von nun an dem Stadt Constanzischen Land: Gericht nimmermehr gehorsamen / und dessen bis auff weitere Verordnung sich enthalten sollen / worauff die Stadt Constanz / weilen alle Vorstell: und Erbietungen nichts fruchten wollen / bey dem zu Nürenberg versamleten Reichs Convent Hilff gesucht / und so viel außgewürckt / daß Kayser Fridericus III. (aliis IV.) die Chur: Fürsten / Fürsten und Stände des Reichs durch ein ernstliches Excitatorium, umb der Stadt Constanz hierinnfahrts behilfflich zu seyn / 2c. Sub dato 9. Nov. 1480. belangte / annebeng den Frommen und im Ruff der Heiligkeit lebenden Einsidler zu Unterwalden / Bruder Nicolaus / von der Glüebe genanth / inständig ersucht hat / umb von G:Ott den heylsammen Friden / und die Abwendung deren bey seinen Lands Leuthen sich entspinnenden Strittigkeiten zu erbitten / welcher / solches zu thun / durch ein eigenhändig: geschribenes / und mit Aufstruckung eines Maria Bilds / loco Pet: schaffts verwahrtes zu Constanz noch heut zu Tag ersichtlich: und wohl lesbahres Briefflein dises Inhalts:

Denen Fromen Fürsichtigen und Wisen Burgermeister und Raat der Statt Costenz minen lieben Väterem. Der Nam I:esus syge über Grük / und ich wünsch ouch vil gütes / und möchte ih einis gütes verbringen / welte ih / das Ir sy teilhaff: tig werdend / und ih han über Schriben wol verstanden / Ih han och über Bitt wol verstanden / dar Ir gerendt / das ich G:Ott für ouch bitt / will ich tun mit güten trüwen / es ist aber nit one / den als G:Ott tut / was an mich kompt / das mine Wort mugend zu Frid ziehen / min Raat ist och / das Ir gütligh sigend in disen Sachen / wen eins güts das bringt das ander 2c. 2c. Zu gewarem Urkunt so han ich min eigen Insigel lansen trucken zu End diser Geschrifft dises Brieffs / Gott sy mit ouch. Geben uff Mittwoch vor Sant Blasius Tag Anno Dni. L. X. X. II.

Brüder Claus von Glüge. ant: